

御倭史料汇编

中国文献珍本丛书

御倭史料汇编

(四)

江苏工业学院图书馆
藏书章

全国图书馆文献缩微复制中心

K248.205
4

御倭史料汇编目录（四）

经略御倭奏议

卷二目录

卷二

卷四

.....一
.....五
.....五

經畧禦倭奏議目錄卷之二

狡倭不肯撤兵國奸已就拘執謹請 旨議

處以除禍本疏

兵機至重舉事宜審謹申明進止機宜以一

觀聽疏

附覆疏

用兵需糧甚急遼左輓運不前酌議添買贏

頭以速轉輸以佐軍興疏

附覆疏

倭情已變易糧最急謹叅酌海道迂徑之路

以決運道以濟軍興疏

倭情至急謹議徵調未盡事宜以濟急難疏

附覆疏

議加征倭大將職銜以重將體并取用謀勇

宿將以備叅贊疏

附覆疏

倭情十分緊急芻糧見缺船隻不敷乞請

嚴行徵召打造以濟輓運疏

附覆疏

倭奴兵船夜襲朝鮮該國水兵失守亟請

添兵促餉以濟萬分急用疏

附覆疏

倭情萬分緊急就近調發舊日征倭驍將以

濟急用疏

附覆疏

倭奴水路通行屬國內亂我兵力寡勢微萬

分危迫懇乞 聖明作速催處水兵以濟

急難疏

附覆疏

直陳朝鮮情形兵食俱絀戰守無資亟議長策接濟以防不虞疏

孤軍胥陷懦將難原乞亟 賜嚴懲以肅軍

紀疏

外國兵食急缺東省芻糧有限懇乞速議天

津海運以接濟危急疏

附覆疏

內地舟師最急外國轉餉甚難懇乞 聖明

各設重臣經理以專責成以圖萬全疏

經畧禦倭奏議卷之二

鑒總督劉澤深等處軍務兼糧餉經略倭兵部書冊都察院右都御史著
拘執沈惟敬疏

題爲狡倭不肯撤兵國奸已就拘執謹請

旨議處以除禍本事本年七月十八日據備倭總
兵官署都督同知麻貴稟報沈惟敬赴宜寧
與平調信講話情由已經節次具稟外七月
初二日至碧蹄館據原差官王國綱齎執副
將楊元稟帖內云本官兩接本職奉本部院
憲牌密劄待惟敬回南原誘之同赴王京來

見初約數日而回不期遷延支吾差人來云
欲赴慶州與清正講事因見前後事體反覆
楊副將同本職差去員役速去宜寧見惟敬
必欲赴慶州其言若狂恐事體不便只得羈
絆而來惟敬行李仍付隨行原寄泰仁行李
未動聲色照舊寄放等情具稟到職本職切
思惟敬既羈絆而回事機已露彼必驚惶待
至王京本職必牢籠駕馭不致大失彼心
前稟所云先以封事託彼調停若封事不成
計議備剿機宜總兩著不就免彼日後為

間諜謀主大屬不便先此具稟仍俟惟敬於
初六七日至王京另行稟報其楊元原來稟
帖錄呈內稟帖云元屢蒙本鎮密劄牌票拘
羈沈惟敬前赴王京值倭酋平調信乘船九
隻帶倭五百名至海邊差倭使二人至宜寧
處講話其調信於二十六日未時即開
船回金山去訖二倭使於二十八日由陸路
同惟敬差人張隆回倭營去訖
信既欲會沈惟敬講話先次十八日稱朝鮮
兵阻回今二十五日同婁國安復來至宜寧

海邊不候講話而即回此多窺伺水陸地利
虛實非真講話而來也本職自南原星夜馳
至宜寧十里許迎見惟敬馱載狐貉皮八百
餘張後遇惟敬本職與差官六人問倭情何
如彼云成不得了本職云既成不得何不赴
見本鎮以符前言彼云我且不去我明日往
慶州去差人與清正講話還得一月半方回
其言若狂本職同本鎮差官六人豈容再往
即遵本鎮並軍門牌票立時拘拏於二十八
日回至丹城地方等因查得先該臣玠於五

月間已有牌文密帖又於六月初二日牌行
麻貴照得沈惟敬欺蔽本兵罪在不赦本部
院恐其驚疑畏罪反投入倭營爲彼鷹犬且
又念渠若果肯舍生取義盡忠報

國亦可爲吾間諜耳目之用已有牌安慰并責
以報效去後但本官最接近見

明旨責罪本兵恐見事不諧又生別心一逋日本
不可復得恐遺害不細矣爲此牌仰該鎮即
差的當員役查照先行將沈惟敬細加查訪
相機籠絡可用則用使之立功以安其心并

以安倭之心且緩其內犯不可用如陽順陰
逆或結納倭奴希圖投脫不爲我用則宜急
捕之鮮赴軍門以憑施行一切機括宜備加
慎密毋泄毋緩本月初十日臣玠又牌行麻
貴照得沈惟敬赴京之人既已阻回令麻寵
押去近日關上又將其朋黨發覺驅回其機
括已露看我用兵動靜彼無不知無不報之
倭奴以結其懽心爲他日投托之地細詳欲
早拏恐倭奴驚疑好事者以吾墮其已成之
功不拏一恐泄我軍機一恐見事不諧暗自

逃走相應酌處爲此牌仰總兵麻貴文到即
馬上差心腹家丁將本官守定無輕放出入
倭營仍責成楊元四路設伏防其逃走待正
成平調信等到日果要退兵即刻期令退本
官姑留完事如不退即將本官拏解軍門渠
行李該鎮差官公同楊元與本部院差官記
一明帳發海防道肅然政收庫其餘與倭來
往書揭不拘公私片紙隻字亦公同牢封並
解軍門仍嚴諭各官不得擅自拆封其相隨
京營遼東兵馬曉諭與彼無干點查明白押

還各處錢糧照舊支給但不許重冒凡本官
見在左右奸黨一併拘繫本部院已遣一將
先往守定矣文到即行差人毋得遲違未便
至密至急又書囑如楊元與沈惟敬見在兩
處住可以防範爲由速調兵一枝與之同住
仍先密諭原帶京營遼東官兵與彼無干
先撤散各歸地方以防其鼓惑軍心爲彼之
用須多差一二十人去方可此極大關係也
又先當事者聽惟敬之言日望正成等自日
本來說有好消息若干此時擊之他日必云

事已垂成被吾等拏惟敬打破然緩拏又恐
逃入倭營惟千萬留心差人守定待正成回
日無撤兵消息問彼無詞方下手拏之爲妙
此時又恐伊乘夜或率敢死之士殺出營耳
可尋一題目先撤原帶京營遼東之官兵剩
人不多便於關防去後今據前因該臣會同
經理朝鮮軍務都察院右僉都御史楊議
照沈惟敬出使外國數年於茲矣平壤大捷
難盡沒其緩倭之功此後則反震變幻彌縫
詭詐年復一年月復一月使

中國軍用不明封戰失著至於種種費餉損威
欺蔽本兵有悞決機尤是可恨之甚臣玠自
聞

命以來即切齒此賊恨不登時擊獲以除心腹之
患但是時朝鮮無

中國一旅之援惟敵率營兵二三百人出入釜
山宜寧一帶與倭奴混爲一家搜羅少急渠
見事不諧則舉足便入倭營此賊

中國虛實動靜何所不知一入倭營知其無備
必然催促大兵先奪據全羅一鼓而下朝鮮